

四庫全書

集部

欽定四庫全書

集部

花草粹編卷五

詳校官編修

臣周瓊

侍讀

臣孫球覆勘

總校官檢討

臣

何思鈞

校對官中書

臣

湯坦

謄錄監生

臣

萬朝宗

欽定四庫全書

花草粹編卷五

明 陳耀文 輯

小令

菩薩蠻

一名重疊金
一名子夜歌

李太白

平林漠漠烟如織，寒山一帶傷心碧。
暝色入高樓，有人樓上愁。
玉梯空佇立，宿鳥歸飛急。
何處是歸程，長亭更短亭。

湘山野錄云此詞不知何人寫在鼎州滄水驛樓復不知何人所撰魏道輔泰見而愛之後至長沙得古

風集於曾子宣內翰家乃知李白所撰

杜陽雜編云大初中初女蠻國入貢其國人危髻金冠璵珞被體故謂之菩薩蠻當時倡優遂製菩薩蠻曲文士亦往往聲其詞。按自玄宗末以至大初中相去殆幾百年始有此調其在太白同時如王杜後此如元白諸家俱未有此詞且曾氏亦止云古風豈後之詞家以其字句之同而遂名之耶

唐人

稿齋
贅筆

牡丹含露真珠顆美人折向庭前過含笑問檀郎花強
妾貌強檀郎故相惱須道花枝好一向發嬌嗔碎按

花打人

宣宗時有婦人斷夫兩足者上戲語宰相曰無乃碎按花打人蓋時有此詞云

溫廷筠

小山重疊金明滅
鬢雲欲度香顚雪
懶起畫蛾眉
弄妝梳洗遲
照花前後鏡
花面交相映
新帖繡羅襦
雙雙金鷓鴣

二

翠翹金縷雙鸂鶒
水紋細起春池碧
池上海棠梨雨晴
紅滿枝
繡衫遮笑靨
烟草粘飛蝶
青瑣對芳菲
玉關

音信稀

三

玉樓明月長相憶
柳絲裊娜春無力
門外草萋萋送君
聞馬嘶
畫羅金翡翠香燭銷成淚
花落子規啼綠窓
殘夢迷

四

鳳皇初對盤金縷
牡丹一夜經微雨
明鏡照新妝鬢輕
雙臉長
畫樓相望久
欄外垂絲柳
音信不歸來
社前

雙燕迴

五

牡丹花謝鶯聲歇
綠楊滿院中庭月
相憶夢難成
背窓燈半明
翠鈿金壓臉
寂寞香闌掩
人遠淚闌干
燕飛春又殘

六

南園滿地堆輕絮
愁聞一霎清明雨
雨後却斜陽
杏花零落香無言
勻睡臉
枕上屏山掩
時節欲黃昏
無慘

獨倚門

七

水精簾裏玻黎枕暖香惹夢鴛鴦錦江上柳如烟鴈飛
殘月天藕絲秋色淺人勝參差剪雙鬢隔香紅玉釵
頭上風

八

藥黃無限當山額宿妝隱笑紗窓隔相見牡丹時暫來
還別離翠釵金作股釵上蝶雙舞心事竟誰知月明

花滿枝

九

杏花含露團香雪
綠楊陌上多離別
燈在月朧明覺來
聞曉鶯 玉鈎褰翠幕
妝淺舊眉薄
春夢正闌情鏡中
蟬鬢輕

十

滿宮明月梨花白
故人萬里關山隔
金鴈一雙飛
淚痕沾繡衣
小園芳草綠
家住越溪曲
楊柳色依依
燕歸

君不歸

十一

寶函鈿雀金鸂鶒沈香闌上吳山碧楊柳又如絲驛橋
春雨時畫樓音信斷芳草江南岸鸞鏡與花枝此情
誰得知

十二

夜來皓月纔當午重簾悄悄無人語深處麝烟長卧時
留薄妝當年還自惜往事那堪憶花露月明殘錦衾

知曉寒

十三

竹風輕動庭除冷珠簾月上玲瓏影山枕隱穠妝綠檀
金鳳皇兩蛾愁黛淺故國吳宮遠春限正關情畫樓
殘點聲

北夢瑣言云宣宗愛唱菩薩蠻詞令狐相國假溫飛
卿新撰密進之戒以勿泄而遽言於人由是跡之

華州登齊雲樓

唐昭宗

登樓遙憶秦宮殿茫茫只見雙飛燕渭水一條流千山

與萬丘 遠烟籠碧樹陌上行人去何處有英雄迎儂
歸故宮

二

飄飄且在三峯下秋風往往堪霑灑腸斷憶仙宮朦朧
烟霧中 思夢時時睡不語長如醉早晚是歸期蒼穹
知不知

中朝故事云乾寧三年李茂貞犯闕帝次華州韓建
迎歸邸中帝鬱鬱不樂每登城西齊雲樓遠望明年
秋制此
詞云

韋莊

紅樓別夜堪惆悵
香燈半捲流蘇帳
殘月出門時
美人
和淚辭
琵琶金翠羽
絃上黃鶯語
勸我早歸家
綠窓
人似花

二

人人盡說江南好
遊人只合江南老
春水碧於天
畫船
聽雨眠
鑪邊人似月
皓腕雙凝雪
未老莫還鄉
還鄉
須斷腸

三

勸君今夜須沈醉
罇前莫話明朝事
珍重主人心
酒深情亦深
須愁春漏短
莫訴金盃滿
遇酒且呵呵
人生能幾何

四

洛陽春裏春光好
洛陽才子他鄉老
柳暗魏王堤
此時心轉迷
桃花春水渌
水上鴛鴦浴
凝恨對殘暉
憶君君不知

牛嶠

舞裙香暖金泥鳳，畫梁語燕驚殘夢。
門外柳花飛，玉郎猶未歸。
愁勻紅粉淚，眉剪春山翠。
何處是遼陽，錦屏春畫長。

二

玉釵風動春幡急，交枝紅杏籠烟泣。
樓上望卿卿，寒新雨晴。
熏爐蒙翠被，繡帳鴛鴦睡。
何處最相知，羨他初畫眉。

三

畫屏重疊巫陽翠
楚神尚有行雲意
朝暮幾般心向他
情謾深
風流古今隔虛作
瞿塘客
山月照山花
夢迴
燈影斜

四

風簾燕舞鶯啼柳
妝臺約鬢低
纖手釵重髻
盤珊一枝
紅牡丹
門前行樂客
白馬嘶春色
故故墜金鞭
迴頭
應眼穿

五

綠雲鬢上飛金雀
愁眉斂翠春烟薄
香閣掩芙蓉畫屏
山幾重
窓寒天欲曙
猶結同心苣
啼粉污羅衣
問郎何日歸

六

玉樓水簾鴛鴦錦
粉融香汗流山枕
簾外轆轤聲斂眉
含笑驚
柳陰烟漠漠
低鬢蟬釵落
須作一生拚
盡君今日歡

和凝

越梅半拆輕寒裏
水清澹薄籠藍水
暖覺杏梢紅
遊絲狂惹風
閒堦莎徑碧
遠夢猶堪惜
離恨又迎春
相思難重陳

孫光憲

月華如水籠香砌
金鏤碎撼門初閉
寒影墮高簷
鉤垂一面簾
碧烟輕裊裊
紅顫燈花笑
即此是高唐
掩屏秋夢長

二

花冠頻鼓牆頭翼
東方澹白連窓色
門外早鶯聲背樓
殘月明
薄寒籠醉態
依舊鉛華在
握手送人歸半拖
金縷衣

三

小庭花落無人掃
疎香滿地東風老
春晚信沈沈天涯
何處尋
曉堂屏六扇
眉共湘山遠
爭奈別離心
近來
尤不禁

四

木綿花映叢祠小
越禽聲裡春光曉
銅鼓與蠻歌
南人祈賽多
客帆風正急
茜袖偎檣立
極浦幾回頭
烟波無限愁

魏承班

羅裙薄薄秋波染
眉間畫時山
兩點相見綺筵時
深情暗共知
翠翹雲鬢動
斂態彈金鳳
宴罷入蘭房
邀人解佩璫

二

羅衣穩約金泥畫玳筵一曲當秋夜聲顫覩人嬌雲鬢
裏翠翹酒醺紅玉軟眉翠秋山遠繡幌麝烟沈誰人
知兩心

尹鶚

隴雲暗合秋天白俯窓獨坐窺烟陌樓際角重吹黃昏
方醉歸荒唐難共語明日還應去上馬出門時金鞭
莫與伊

毛熙震

梨花滿院飄香雪
高樓夜靜風箏咽
斜月照簾帷憶君
和夢稀
小窓燈影背
燕語驚愁態
屏掩斷香飛行雲
山外歸

二

繡簾高軸臨塘看
雨翻荷芰真珠散
殘暑晚初涼輕風
渡水香
無慘悲往事
爭那牽情思
光影暗相催等閒
秋又來

三

天含殘碧融春色五陵薄倖無消息盡日掩朱門離愁
暗斷魂鶯啼芳樹暖燕拂迴塘滿寂寞對屏山相思
醉夢間

李珣

迴塘風起波紋細刺桐花裏門斜閉殘日照平蕪雙雙
飛鷓鴣征帆何處客相見還相隔不語欲魂銷望中
烟水遙

二

等閒將度三春景
簾垂碧砌參差影
曲檻日初斜
杜鵑啼落花
恨君容易處
又話瀟湘去
凝思倚屏山
淚流紅臉班

三

隔簾微雨雙飛燕
砌花零落紅深淺
捻得寶箏調
心隨征棹遙
楚天雲外路
動便經年去
香斷畫屏深
舊歡何處尋

與周后妹

李後主

花明月暗飛輕霧
今宵好向郎邊去
剗

南唐書
作叔

襪步香

階手提金縷鞋
畫堂南畔見一晌
偎人顫奴為去來
難教君恣意憐

二

蓬萊院閉天台女
畫堂晝寢無人語
拋枕翠雲光
綉衣聞異香
潛來珠鎖動
驚覺銀屏夢
慢臉笑盈盈
相看無限情

三

銅簧韻脆鏘寒竹新聲慢奏移纖玉眼色暗相鉤秋波
橫欲流雨雲深繡戶未便諧衷素宴罷又成空魂迷
春夢中

馮延巳

金波遠逐行雲去踈星時作銀河渡花影卧秋千更長
人不眠玉箏彈未徹鳳髻黃釵脫憶夢翠蛾低微風
吹繡衣

二

畫堂昨夜西風過
繡簾時拂朱門鎖
驚夢不成雲雙蛾
枕上顰
金爐烟裊裊
燭暗紗窗曉
殘月尚彎環
玉箏
和淚彈

三

梅花吹入誰家笛
行雲半夜凝空碧
欹枕不成眠
關山人未還
聲隨幽怨絕
空斷澄霜月月影下
重簷輕風
花滿簾

四

回廊遠砌生秋草夢魂千里青門道鸚鵡怨長更碧籠
金鎖橫羅幃中夜起霜月清如玉玉露不成圓寶箏
悲斷絃

五

嬌鬟堆枕釵橫鳳溶溶春水楊花夢紅燭淚闌干翠屏
烟浪寒錦壺催畫箭玉珮天涯遠和淚試嚴妝落梅
飛夜霜

六

西風嫋嫋凌歌扇秋期正與行雲遠花葉脫霜紅流螢
殘月中 蘭闥人在否千里重樓暮翠被已銷香夢隨
寒漏長

七

沈沈朱戶橫金鎖紗窓月影隨花過燭淚冷闌干落梅
生晚寒 寶釵橫翠鳳千里香屏夢雲雨已荒涼江南
春草長

欹鬟墮髻搖雙漿採蓮晚出清江上顧影約流萍楚歌
嬌未成相逢顰翠黛笑把珠璫解家住柳陰中畫橋
東復東

盧絳

玉京人去秋蕭索畫簷鵲起梧桐落欹枕悄無言月和
殘夢圓背燈唯暗泣甚處砧聲急眉黛遠山攢芭蕉

生暮寒

一作獨自倚闌
千衣襟生暮寒

南唐書云盧絳病店且死夜夢白衣婦人歌此詞勸
酒歌數闋因謂絳曰子之疾食蔗即愈如言果差迨
數夕又夢前婦人曰妾乃王真也他日富貴相見於
固子坡後入金陵累官柱國唐亡歸宋以龔慎儀事
坐誅臨刑有白衣婦人同斬姿貌宛如所夢問其受
刑之地即固子坡也婦人姓耿名玉真其夫死與前
婦之子通當極
法與絳同斬焉

晏同叔

高梧葉下秋光晚
玳叢化出黃金盞
還似去年時
傍欄
三兩枝
人情須耐久
花面長依舊
莫學蜜蜂兒
等閒
悠颺飛

晏叔原

來時楊柳東橋路曲中暗有相期處
明月好因緣欲圓還未圓
却尋芳草去畫扇遮微雨
飛絮莫無情閒花應笑人

二

鶯啼似作留春語花飛鬪學回風舞
紅日又平西畫簾遮燕泥
烟光還自老綠鏡人空好
香在去年衣魚牋音信稀

三

嬌香淡染胭脂雪
愁春細畫彎彎月
花月鏡邊明淺妝
勻未成
佳期應有在
試倚秋千待滿地
落英紅萬條
楊柳風

四

哀箏一弄湘江曲
聲聲寫盡湘波綠
纖指十三絃細將
幽恨傳
常筵秋水慢
玉柱斜飛鴈
彈到斷腸時
春山眉黛低

五

江南未雪梅花白憶梅人是江南客猶記舊相逢淡烟
微月中玉容長有信一笑歸來近懷遠上樓時晚雲
和鴈低

六

相逢欲話相思苦淺情肯信相思否還恐謾相思淺情
人不知憶曾攜手處月滿窓前路長到月來時不眠
猶待伊

集句

王荊公揮麈錄

海棠亂發皆臨水君知此處花何似涼月白紛紛香風
隔岸聞 轉枝黃鳥近隔岸聲相應隨意坐莓苔飄零
酒一盃

新築草堂集句

荊公山谷集

數間茅屋閑臨水輕衫短帽垂楊裏花是去年紅吹開

一夜風

本集作今日是何朝看予渡石橋

稍稍新月偃午醉醒來晚何

物最關情黃鸝三兩聲

送妓往杭蘇州迎新守

東坡

玉童西迓浮丘伯
洞天冷落秋蕭瑟
不用許飛瓊瑤臺
空月明
清香凝夜燕
借與韋郎看
莫便過姑蘇扁舟
下五湖

代諸妓送陳述古

前人

娟娟缺月西南落
相思撥斷琵琶索
枕淚夢魂中覺來
眉暈重
華堂堆燭淚
長笛吹新水
醉客各西東
應思陳孟公

張子野

憶郎還上層樓曲樓前芳草年年綠綠似去時袍回頭
風袖飄郎袍應已舊顏色非長久惜恐鑑中春不如
花草新

二

香輶不至春蟾午令人轉更猜飛語翠幙動風亭時疑
響屧聲花香聞水榭幾誤飄蘭麝不忍下朱扉遶廊
重待伊

三

佳人學得平陽曲
纖纖玉筍橫孤竹
一弄入雲聲
海門江月清
髻搖金鈿落
惜恐櫻唇薄
聽罷已依依
莫吹楊柳枝

四

聞人話著宣鄉字
嗔情恨意還相喜
何況草長時
酒前頻見伊
嬌香堆寶帳
月到梨花上
心事兩人知
掩燈羅幔垂

五
七夕

牛星織女年年別分明不及人間物
匹鳥少孤飛斷沙
猶並栖
洗車昏雨過缺月雲中墮
斜漢曉依依暗蛩
還促機

梅雪

周美成

銀河宛轉三千曲浴鳬飛鷺澄波綠
何處是歸舟夕陽
江上樓
天憎梅浪發故下封枝雪
深院捲簾看應憐
江上寒

效荊公作

黃魯直

半烟半雨溪橋畔
漁翁醉著無人喚
疎懶意何長
春風花草香
江山如有待
此意陶潛解
問我去何之
君行到自知

二

輕風裊斷沈烟炷
霏微盡日寒塘雨
殘綉沒心情
鳥啼花外聲
離愁難自制
年少乖盟誓
寂寞掩朱門
羅衣空淚痕

秦少游

蛩聲泣露驚秋枕羅幃淚濕鴛鴦錦獨卧玉肌涼殘更
與恨長 陰風翻翠幔雨溼燈光暗畢竟不成眠鴉啼
金井寒

李元膺

綵旗畫柱清明後花前姊妹爭攜手先紫繡羅裙輕衫
束領巾 頻繩金釧響漸出花梢上笑裏問高低盤雲
韞玉螭

賀方回

子規啼夢羅窓曉開奩拂鏡嚴妝早粉碧盡丁香背垂
裙帶長鉤箏尋舊曲愁結眉心綠猶恨夜來時酒狂
歸太遲

二

章臺遊冶金龜婿歸來猶帶醺醺醉花漏怯春宵雲屏
無限嬌絳紗燈影背玉枕釵聲碎不待宿醒銷馬嘶
催早朝

舒信道

三年江上風吹淚
天桃艷杏無春意
今日欲開眉
那堪更別離
莫折長亭柳
折盡愁依舊
只有醉如狂
人生空斷腸

二

畫船槳鼓催君去
高樓把酒留君住
去住若為情
西江潮欲平
江潮容易得
只是人南北
今日此樽空
知君何日同

三

杜鵑啼破江南月，香風撲面吹紅雪。
賦就縷金牋，黃昏醉上船。
年華雙短鬢，事往情何盡。
明日各天涯，來春空好花。

四次劉郎中
賞花韻

朱簾乍捲層烟起，露華深淺初疑洗。
困倚玉欄風，綺羅知幾重。
向人如有意，不醉何時醉。
便得一枝紅，猶勝兩鬢空。

五 送奉化知
縣秦奉議

一回別後一回老別離
易得相逢少莫問故園花
長安君是家短亭秋日
晚草色隨人遠欲醉又
還醒江樓暮角聲

六

小亭露壓風枝動鵲爐
火冷金瓶凍悄悄對西
窓瘦知羅帶長欲眠思
滯酒坐聽寒更久無奈
是青燈開花故故明

七

流年又見風沙送釣天回首清都夢塞鴈幾時歸鏡中
雙鬢非綠袍同冷暖誰道交情短愁斛若為量還隨
一線長

八

江梅未放枝頭結江頭已見山頭雪待得此花開知君
來未來風帆雙畫鷁小雨隨行色空得鬱金裙酒痕
和淚痕

長安懷古

康伯可

秦時宮殿咸陽裏
千門萬戶連雲起
複道亘西東
不禁三月風
漢唐乘王氣
萬歲千秋計
畢竟是荒丘
荆榛滿地愁

金陵懷古

前人

龍蟠虎踞金陵郡
古來六代豪華盛
縹鳳不來遊
臺空江自流
下臨全楚地
包舉中原勢
可惜草連天
晴郊狐兔眠

趙德麟

輕鷗欲下春塘浴
雙雙飛破春烟綠
兩岸野薔薇翠籠
薰繡衣
凭船閒弄水
中有相思意
憶得去年時
水邊初別離

荷花

陳去非

南軒面對芙蓉浦
宜風宜月還宜雨
紅少綠多時
簾前花景奇
繩床烏木几
盡日繁香裏
睡起一篇新
與花為主
人

自宜興還西岡作

蘇養直

園林寂寞春歸去，濛濛柳下飛香絮。
野水接雲橫綠烟，啼曉鶯。
江南鷓鴣夢山色，朝來重小艇。
小灣頭蘋花蘋葉洲。

春怨

姚令威

斜陽山下明金碧，畫樓返照融春色。
睡起揭簾旌玉人，蟬鬢輕。
無言空佇立，花落東風急。
燕子引愁來，眉心那得開。

別恨

前人

夢中不記江南路
玉釵翠鬢驚春去
午醉晚來醒
暝烟花上輕
紅絹空浥淚
錦字憑誰寄
衫薄煖香銷
相思雲水遙

呂居仁

客愁不到西池路
殘春又逐花飛去
今日傍池行
新荷昨夜生
故人千慮繞
不道書來少
去住隔關河
長亭風雨多

曾公衮

山光冷侵清溪底
溪光直到柴門裏
卧對白蘋洲
欹眠數釣舟
溪山無限好
恨不相逢早
老病獨醒多
如此良夜何

謝無逸

暄風遲日春光鬧
蒲桃水碧搖輕棹
兩岸草烟低
青山啼子規
歸來愁未寢
黛淺眉痕沁
花影轉廊腰
紅添酒面潮

二

縠紋波面浮鷗鷺
蒲芽聳出參差碧
滿院落梅香柳梢
初弄黃
衣輕紅袖皺香困
花枝瘦睡起玉釵
橫隔簾
聞曉鶯

沈會宗

相逢無處無樽酒
樽前未必皆朋舊
酒到任教傾莫思
今夜醒
明朝相別後
江上空回首
欲去不勝情
為君
歌數聲

陳子高

柳條窈窕開庭院
錦波繡浪春風轉
紅日上闌干
晚來花更寒
綠檀金隱起
翠被香烟裏
幽恨有誰知
空梁落燕泥

二

池塘淡淡浮鷗鷺
杏花吹盡垂楊碧
天氣度清明
小園新雨晴
綠窓描繡罷
笑語醺醺下
圍坐賭青梅
困從雙臉來

三

綠陰寂寂櫻桃下
盆池劣照薔薇架
簾影假山前映堦
紅葉翻
芭蕉籠碧砌
鴉子中庭睡
香徑没人來
拂墻花又開

李似之

彌道

江城烽火連三月
不堪對酒江亭別
休作斷腸聲
老來無淚傾
風高帆影疾
目送舟痕碧
錦字幾時來
薰風無鴈回

李元卓

一枝絳蠟香梅軟宜春小勝玲瓏剪拂曉上瑤釵春從
鬢底來菱花頻自照粉面驚春早淡拂燒山眉為誰
今日宜

趙文鼎

楚宮楊柳依依碧遙山翠隱橫波溢絕艷照濃春春光
欲醉人纖纖芳草嫩微步輕羅襯花戴滿頭歸遊蜂
花上飛

二

玉闌芳草粘天碧
春風萬里思行客
驕馬向風嘶道歸
猶未歸
南雲新有燕望眼
愁邊斷
膏沐為誰容
日高花影重

訪江東外家

程正伯

畫橋拍拍春江綠
行人正在春江曲
花潤接平川
有人花底眠
東風原自好
只怕催花老
安得萬垂楊
係交春日長

二

羅衫乍試寒猶怯
妬花風雨連三月
燈冷閉門時有愁
誰得知
此情真箇苦
只為當時語
莫道絮沾泥
絮飛魂亦飛

洪叔璵

斷虹遠飲橫江水
萬山紫翠斜陽裏
繫馬短亭西
丹楓明酒旗
浮生長客路
事逐孤鴻去
又是月黃昏
寒燈人閉門

歸思

王通叟

單于吹落山頭月
漫漫江上沙如雪
誰唱縷金衣
水寒舫舫稀
蘆花楓葉浦
憶抱琵琶語
身未發長沙
夢魂先到家

詠目

謝絳

娟娟侵鬢妝痕淺
雙眸相媚彎如剪
一瞬百般宜
無論笑與啼
酒闌思翠被
特故曹騰地
生怕促歸輪
微波先注人

晁次膺

午陰未轉青窓暖無風着地楊花滿睡起日猶長捲簾
紅杏香春心無處定又作花時病芳草伴離愁綿綿
早晚休

嚴次山

征鴻點破空雲碧丹霞染出新秋色返照落平洲半江
紅錦流風清漁笛晚寸寸愁腸斷寄語笛休橫只消
三兩聲

別意

孫巨源

樓頭尚有三通鼓何須抵死催人去上馬苦匆匆琵琶
曲未終回頭凝望處那更廣纖雨謾道玉為堂玉堂
今夜長

玉林云孫公於元豐間為翰苑與李端愿太尉往來
凡數會一日鎖院宣召者至其家則出數十日蹤跡
得之於李氏時李新納妾能琵琶公飲不肯去而迫
於宣命入院幾二鼓矣遂草三制罷復作此長短句
以記別恨遲
明遣以示李

南游紀聞云李邦直在坐頗以卒章非佳語
巨源是夕得疾於玉堂後亦同卒

集句

趙德莊

青春背我堂堂去
桃花亂落如紅雨
是妾斷腸時
芳心空自持
相思君助取
脉脉如牛女
天遠暮江遲
君心歸不歸

介菴詞

落梅

孫濟師艤

茗溪

一聲羌笛吹鳴咽
玉溪半夜梅翻雪
江月正茫茫
斷橋流水香
含章春欲暮
落日千山雨
一點著枝酸
吳姬先齒寒

秋閨

金風款款驚黃葉
高樓影轉銀蟾匝
夢斷繡簾垂月明
烏鵲飛
新愁知幾許
欲似絲千縷
鴈已不堪聞砧聲
何處村

冬景

重疊金

黃叔暘

銀幡綵勝參差剪
東風吹上釵頭燕
一笑繞花身小桃
先報春
新春今日是
明日新年至
擘繭莫探官人間
行路難

蒲江詞

翠樓十二闌干曲雨痕新染蒲桃綠時節又黃昏東風
深閉門玉簫吹未徹窓影梅花月無語只低眉閒拈
雙荔枝

七夕

陳后山

行雲過盡星河爛爐烟未斷蛛絲滿想得兩眉顰停針
憶遠人河橋知有路不解留郎住天上隔年期人間
長別離

二

曉來誤入桃源洞
恰見佳人春睡重
玉腕枕香腮
荷花藕上開
一扇俄驚起
斂黛凝秋水
笑倩整金衣
問郎來幾時

陳達叟

舉頭忽見衡陽鴈
千聲萬字情何限
耐薄情夫一行書也無
泣歸香閣恨和淚掩紅粉
待鴈却回時也無書寄伊

離思

無名氏

有情潮落西陵浦
無情人向西陵去去也不教知
怕人留戀伊
憶了千千萬恨了千千萬
畢竟憶時多恨時
無奈何

佳人

黃師憲

眉尖早識愁滋味
嬌羞未解論心事
試問憶人不無言
只點頭
嗔人歸不早
故把金杯惱
醉看舞時腰還如
舊日嬌

張孝祥

東風約畧吹羅幕一簾細雨春陰薄試把杏花看濕紅
嬌暮寒佳人雙玉枕烘醉鴛鴦錦折得最繁枝暖香
生翠幃

二

恰則春來春又去憑誰說與春教住與問坐中人幾回
迎送春明年春更好只怕人先老春去有來時願春
長見伊

杜壽域

遊絲欲墮還重上春殘日永人相望花共燕爭飛青梅
細雨枝離愁終未解忘了依前在擬待不尋思剛纔
夢見伊

二

錦機織了相思字天涯路遠無由寄寒鴈只啣蘆何曾
解寄書緘封和血淚目斷西江水擬欲託雙魚問君
情有無

程正伯

紅雲半壓秋波急，艷粧泣露嬌啼色。
佳夢入仙城，風流石曼卿。
宮袍呼醉醒，休捲西風景。
明月粉香殘，六橋烟水寒。

題梅扇

周忘機

梅花韻似人人面，為伊寫在春風扇。
人面似花妍，花應不解言。
在手微風動，勾引相思夢。
莫用揶揄，羞見伊。

盧炳

石榴裙束纖腰裊金蓮穩襯弓靴小嬌駢羞見人傘低
遮半身恩情如紙薄方信當初錯邂逅苦匆匆還疑
是夢中

二

而今怕聽相思曲多情蹙損眉峯綠惜別上扁舟望窮
江際樓蠻牋封了發為憶人如雪離恨寫教看休令
盟約寒

張子野

五雲深處蓬山杳
寒輕霧重銀蟾小
枕上挹餘香
春風歸路長
鴈來書不到
人靜重門悄
一陣落花風
雲山千萬重

二

青梅又是花時節
粉牆間把青梅折
玉韉偶逢君
春情如亂雲
藕絲牽不斷
誰信朱顏換
莫厭十分斟
酒深情更深

秋思

葉夢得

平波不盡蒹葭遠，清霜半落沙痕淺。
烟樹晚微茫，孤鴻下夕陽。
梅花消息近，試向南枝問。
記得水邊春，江南別後人。

立秋

玉林

西風半夜驚羅扇，蛩聲入夢傳幽怨。
碧藕試初涼，露痕啼粉香。
清冰凝簟竹，不許雙鴛宿。
又是五更鐘，啼鴉金井桐。

過吳江

張表臣

垂紅亭下扁舟住
松江烟雨長橋暮
白紵聽吳歌佳人
淚臉波
勸傾金鑿落
莫作思家惡
綠鴨與鱸魚如何
可寄書

石孝女

酒濃花艷秋波滑
舞餘腰素花枝活
相見又還休不禁
歸去愁
醉衾成獨擁
月冷知霜重
早是夢難成
梅花腸斷聲

陸務觀

江天淡碧雲如掃
蘋花零落蓴絲老
細細晚波平月從
波面生
漁家真箇好
悔不歸來早
經歲洛陽城
鬢絲添幾莖

仲春

碧澗

玉闌干外重簾晚
流雲欲度長天遠
花草不知名
春來各自生
綠鞦遊冶客
何處垂陽陌
不信不歸來
海棠花又開

魏夫人

溪山掩映斜陽裏樓臺影動鴛鴦起隔岼兩三家出墻
紅杏花綠楊堤下路早晚溪邊去三見柳綿飛離人
猶未歸

二

東風已綠瀛洲草畫樓簾捲清霜曉清絕比湖梅花開
未滿枝長天音信斷又見南歸鴈何處是離愁長安
明月樓

梅

孫夫人

闌干六曲天圍碧
松風亭下梅梢白
臘盡見春回
寒花驚又開
曲瓊閒不捲
沈燎孤星轉
凝佇小徘徊
雲間征鴈來

李易安

風柔日薄春猶早
夾衫乍着心情好
睡起覺微寒
梅花鬢上殘
故鄉何處是
忘了除非醉
沉水卧時燒
香消酒未消

二

歸鴻聲斷殘雲碧
背窓雪落爐烟直
燭底鳳釵明釵頭
人勝輕
角聲催曉漏
曙色回牛斗
春意看花難
西風留舊寒

梅

朱淑真

濕雲不渡溪橋冷
嫩寒初透東風景
橋下水聲長
一枝和雪香
人憐花似舊
花不知人瘦
獨自倚闌干
夜深花正寒

秋

秋聲乍起梧桐落蛩吟唧唧添蕭索
欹枕背燈眠月
和殘夢圓
起來鈎翠箔何處寒砧作獨倚小闌干逼人風露寒

三

山亭水榭秋方半鳳幃寂寞無人伴
愁悶一番新雙蛾只暗顰
起來臨綉戶時有踈螢渡多謝月相憐今宵不忍圓

與張世英

蕭淑蘭

無情水滿西興渡
多情人往西興去
西興去路遙教奴
魂夢勞
今將心內苦聯作相思句
君若見情詞同諧
連理枝

淑蘭又與世英詞云
君心情遠迷蓬島
妾心命薄連芳草
芳草正萋萋
君心知不知
妾身輕似葉
君意堅如鐵
妾意為君多
君心棄妾何

書江西造口壁

辛幼安

鬱孤臺下清江水中間
多少行人淚
西北望長安可憐

無數山 青山遮不住 畢竟東流去 江晚正愁余 山深
聞鷓鴣

鶴林玉露云南渡初金人追隆祐太后御舟至造
口不及而還鷓鴣之句謂恢復之事行不得也

梅扶叔茂

絲絲楊柳鶯聲近 晚風吹過秋千影 寒色一簾輕燈殘
夢不成 耳邊消息在 笑指花稍待 又是不歸來 滿庭
花自開

諷詞

昔年曾伴花前醉今年空灑花前淚花有再榮時人無
重見期 故人情義重不忍營新寵日月有盈虧妾心
無改移

古今詞話云蜀中有一寡婦姿色絕美父母憐其年
少欲議再嫁歸家有喜宴伶唱此詞婦聞之泣涕於
神前欲割一耳以明志其母速
往止之抱持而痛遂不易其節

子夜歌

李後主

人生愁恨何能免銷魂獨我情何限故國夢重歸覺來
雙淚垂 高樓誰與上長記秋晴望往事已成空還如

一夢中

又一闋云尋春須是陽春早
看花莫待花枝老惜後不全

迴文

冬

劉無言

雪窻寒聽孤燈滅滅燈孤聽寒窗雪殘漏惜衾閑閑衾
惜漏殘說時常恨別別恨常時說還不奈宵寒寒宵
奈不還

王文甫

獸噴香縷飛長畫畫長飛縷香噴獸迎日喜葵傾傾葵
喜日迎捲簾雙舞燕燕舞雙簾捲清簾枕釵橫橫釵

枕簟清

伊川令 寄外

花中眉妻

西風昨夜穿簾幙
閨院添消索
最是梧桐零落
迤邐秋光過
却人情音信難託
教奴獨自守空房
淚珠與燈花共落

仲肩為相州錄事久而不歸其妻寄此詞肩拆覽之
伊字作尹字遂作行香子寄回云頓首起情人即日
恭惟問好音接得綵箋詞一首堪驚題起詞名恨轉
生展轉意多情寄與音書不忘誠不寫伊川題尹字
無心料想伊家不要人妻復答云奴啓情人勿見罪
閑將小書作尹字情人不解其中意共伊間別幾多

時身邊少箇人兒眉見之
大笑稱賞時人咸榮之

訴衷情

晏殊

青梅煮酒鬪時新
天氣欲殘春
東城南陌花下
逢著意中人
回綉袂
展香茵
叙情親
此情拚作千尺游絲惹
住朝雲

二

芙蓉金菊開馨香
天氣欲重陽
遠村秋色如畫
紅樹間疎黃
流水淡
碧天長
路茫茫
憑高目斷
鴻鴈來時無

限思量

三

數枝金菊對芙蓉落葉意重重不知多少幽怨和露泣
西風人散後月明中夜寒濃謝娘愁卧潘令閒眠心
事無窮

四

露蓮雙臉遠山眉偏與淡妝宜小庭簾幕春晚閒共柳
絲垂人別後月圓時信遲遲心心念念說盡無憑只

是相思

晏叔原

小梅風韻最妖嬈
開處雪初消
南枝欲附春信長恨隴
人遙
閒記憶舊江皋
路迢迢
暗香浮動疎影橫斜幾
處溪橋

二

長因蕙草記羅裙
綠腰沉水薰
闌干曲處人靜曾共倚
黃昏
風有韻月無痕
暗銷魂
擬將幽恨試寫殘花寄

與朝雲

眉意

歐陽永叔

清晨簾幕卷輕霜呵手試梅粧都緣自有離恨故畫作
遠山長 思往事惜流芳恨難忘未歌先歛欲笑還顰

最斷人腸

山谷作珠
簾綉幕

周美成

堤前亭午未融霜風緊雁無行重尋舊日岐路茸帽北
遊裝 期信杳別離長遠情傷風颭酒慢寒凝茶煙又

是何鄉

日暮

柳耆卿

一聲畫角日西曛催促掩朱門不堪更倚危欄腸斷已
銷魂年漸晚鴈空頻問無因思心欲碎愁淚難收又
是黃昏

唐子西

平生不會斂眉頭諸事等閒休元來却到愁情須着與
他愁殘照外大江流去悠悠風悲蘭麝烟淡滄浪何

處歸舟

宮怨

謝希深

銀缸夜永影長孤
香草續殘爐
倚屏脉脉無語
粉淚不成珠
雙粲枕百嬌
壺憶當初
君恩莫似秋葉
無情欲向人疎

雅詞

碧天明月晃金波
清淺帶銀河
深深院宇人靜
獨自問姮娥
圓夜少缺時
多事因何
嫦娥莫是也有
別離一

似人麼

沈會宗

深深院宇小池塘一徑碧桐長青春又歸何處新筍綠
成行 多少事惱人腸懶思量香消一炷睡起霎時日
過東窗

黃山谷

旋揎玉指著紅靴宛宛開彎訛天然自有殊態供愁黛
不須多 分遠岫壓橫波妙難過自歌枕處獨倚欄時

不奈顰何

曾純甫

半鈎珠箔小揚州
春色在重樓
曾醉玳筵歌舞
楚夢苦難留
情脉脉恨悠悠
幾時休
大都人世會少離多
總是閒愁

二

閒窗靜院漏聲長
金鴨冷殘香
幾翻夢回枕上
飛絮恨悠揚
身在此意伊行
悤思量
不言不語幾許閒情
月

上回廊

送春

万俟雅言

一鞭清曉喜還家宿醉困流霞夜來小雨新霽雙燕舞
風斜山不盡水無涯望中賒送春滋味念遠情懷分
付楊花

章貢別懷

嚴次山

一聲水調解蘭舟人間無此愁無情江水東流去與我
淚爭流人已遠更回頭苦凝眸斷魂何處梅花岸曲

小小紅樓

夜景

天機餘錦

燒殘絳蠟淚成痕
衙鼓報黃昏
碧雲又阻歸信
廊上月
侵門
愁夜永
拂香裯
待誰溫
夢蘭憔悴
擲果淒涼
兩地消魂

康伯可

阿房廢址漢荒丘
孤兔又羣遊
豪華盡成春夢
留下古今愁
君莫上古原頭
淚難收
夕陽西下塞鴈南飛
渭

水東流

枕畔聞殘梅噴香

李易安

夜來沉醉卸粧遲
梅蕊插殘枝
酒醒薰破春睡夢斷不成歸
人悄悄月依依
翠簾垂更按殘蕊再撚餘香更得此時

毛文錫

桃花流水漾縱橫
春晝彩霞明
劉郎去阮郎行惆悵恨難平
愁坐對雲屏
笑歸程何時攜手洞邊迎
訴衷情

二

鴛鴦交頸繡衣輕
碧沼藕花馨
隈藻荇
映蘭汀
和雨浴
浮萍
思婦對心驚
想邊庭
何時解珮
掩雲屏
訴衷情

魏承班

高歌宴罷月初盈
詩情引恨情
煙露冷水流
輕思想
夢難成
羅帳裏
香平恨
頻生思
君無計
睡還醒
隔層城

二

春深花簇小樓臺
風飄錦繡開
新睡覺
步香堦
山枕映

紅腮

鬢亂墜金釵語檀偎臨行執手重重囑幾千迴

三

銀漢雲晴玉漏長蛩聲悄盡堂筠簾冷碧窗涼紅蠟淚
飄香皓月瀉寒光割人腸那堪獨自步池塘對鴛鴦

四

金風輕透碧窗紗銀缸燭影斜歌枕卧恨何賒山掩小
屏霞雲雨別吳娃想容華夢成幾度遶天涯到君家

五

春情滿眼臉紅銷嬌妬索人饒星靨小玉璫搖幾共醉
春朝別後憶纖腰夢魂勞如今風葉又蕭蕭恨迢迢



花草粹編卷五